



白龍散

主生肌止痛及耳中卒然大痛

寒水石四兩研

烏賊魚骨研

滑石已上各二兩研

鵬砂三錢

輕粉一錢

右為細末每用乾糝耳中痛者油調如糊滴維於

耳中痛立止

桃紅散

主欬瘡生肌肉定血僻風邪

滑石四兩

寒水石燒二兩

小豆粉二兩

乳香

輕粉已上各一錢

右為細末每用乾糝血不止者和燈草貼瘡口上

以帛封之

檳榔散

治久患惡瘡肌肉遲生

木香

黃連

檳榔 已上各等分

右為細末每用乾糝之

金黃散

出九經而衛生方

主消腫散毒生肌止痛

黃連

大黃

黃芪

黃芩

黃蘗

鬱金 已上各一兩

甘草 五錢

龍腦 五分另研

右為細末入龍腦研勻若治濕毒丹腫新水調搗

生肌散

赤上或蜜水調如稀糊用小紙花子貼之或小油調搗如久不差熱毒瘡赤乾糝或水調塗亦佳

主斂瘡大效

寒水石 燒

滑石 已上各二兩

龍骨

烏魚骨 已上各二兩

蜜陀僧

枯白礬

乾胭脂

定粉 已上各五錢

右為細末用藥乾糝瘡口上

水澄膏

治熱毒腫痛大效

大黃

黃蘗

鬱金

天南星

白芨

石硝

黃蜀葵花 已上各二兩

右為細末每用新水一盞半藥末二錢攪調勻候澄底者去浮水以紙花子攤於腫焮處貼之如急燥津唾潤之此藥治熱毒赤腫神効如皮膚白色者勿用之

拔毒散

治熱毒丹腫遊走不定

寒水石 生用

石膏 生用已上各四兩

黃蘗

甘草 已上各一兩

右為細末每用新水調掃之或油調塗之或紙花

子小貼亦妙涼水潤之

金露散 生用

治時氣熱毒

寒水石 生用一兩五錢

雄黃 已上各二錢五分

白芨

白欬

雄黃 已上各二錢五分

右為細末無根水調以紙花子貼或掃亦妙

消毒散

治諸惡瘡生肌止痛消毒散腫

滑石 一斤

黃蘗 二兩

黃丹 一兩

乳香 五錢

輕粉 三錢

右為細末每用乾糝或燒湯及下注腫瘡風濕疥

癬等瘡油調塗之

大檳榔散 成于玉方

治乾濕疥癬

硫黃

黑狗脊

已各五錢 輕粉 一錢

紅娘子

大檳榔

已上各一箇

右為細末每用藥末半錢於手掌中臨時時油調如糊兩手搓摩極熱鼻內聞之及摩擦疥上隔日再用甚者不過三上必驗

天麻散

治白禿甜瘡及風毒疥癬

藜蘆

天麻

狼毒

白芷

茵苳

釣苓根

草烏頭

管仲

細辛 已上各五錢

雄黃 二錢

輕粉 一錢

右為細末每用藥半兩紙一重綿裹油三兩浸三日外蘸指擦患處如稍乾添油一兩添至三兩換藥其效如神

決効散

治風拜頭瘡

管仲 三兩

白芷 二兩

右為細末油調塗之

水銀膏

治癰瘡疥癬無名惡瘡但是手足瘡疥浸淫多汁久而虫生塗之神效

商茹剉

黃蠟已上各二兩

黃連剉

剉蛇牀微炒

白礬枯

水銀已上各二兩

右用臘猪脂七兩熬開下三件剉藥煮至焦紫色去粗再入黃蠟溶開出火稍凝下水銀礬石攪至勻每用塗摩

平肌散

治諸瘡久不斂者

蜜陀僧

花藥石二味同煨赤色

白龍骨已上各二兩

黃丹

乳香研

黃連已上各二錢五分

輕粉二錢

右為細末入乳香輕粉黃丹同研令勻每用乾糝之

神黃散

治一切熱腫攻嫩疼痛

黃蘗末一斤

黃丹二兩炒紫色

雄黃一兩另研

右同研勻每用新水調如糊敷掃以小紙花貼稍乾以蜜水潤之

博金散

治下疳蝕臭爛腫痛

白礬

與蜜陀僧同為末相和於沙鍋內火上炮汁盡

蜜陀僧已上各五錢

白堊二錢

黃丹

輕粉已上各一錢

乳香五分

麝香一字

右為細末先須另用槐枝葱白鹽甘草熬湯淋濕洗一二時淹乾糝上項藥每用藥先須洗浴然後糝藥甚者三五次差

金傷散

治刀鏃各傷僻風止痛生肌

白芨三兩

陳石灰風化

桑白皮

黃丹已上各二兩

白附子

天南星

龍骨已上各一兩

右為細末每用乾貼之

完肌散

治證同前

蜜陀僧

桑白皮新者

龍骨已上各四兩

陳石灰二兩

黃丹五錢

麝香一錢另研

右為細末乾糝之

定血散

治證同前

黃丹一兩

烏魚骨

白礬灰

龍骨已上各二兩

蜜陀僧半斤

桑白皮一斤

右為細末每用乾糝定血如神

碧霞錠子大醫陳官寶友

治惡瘡透不覺疼痛

銅碌一兩

硃砂二錢

蟾酥一錢

右為細末，轉米飯一處，擦勻，搥作錠子，粳米樣，每用針刺之，不覺痛者，但有血出，維一錠子在內，以膏貼之，或作散，以紙捻蘸，維之，亦可。臨證看如何，宜合用度。

漏蘆湯

治婦人吹妳初覺

漏蘆

練實

大黃

黃芩

芍藥

甘草已上各五錢

右為麤末，每服三錢，水一盞半，燈草三十莖同煎。

至一盞，去粗，溫服，無時。

玉粉散

出蘇沈標方

治陰瘡浸淫不止

白礬灰

定粉已上各等分

右研細末，先洗浴淨，淹乾，敷粉之。

香礬散

治小兒斷臍之後，不乾及膿出耳中。

枯礬五錢

龍骨

黃丹已上各一錢

麝香少許研

右為細末，每用乾糝之。

紫金散

...

...

...

治瘰癧久不差者

枯礬五錢

砒霜一錢

石膽五分

右為細末入黃丹二錢每用維入瘡口內以膏貼之如未破者灸一兩炷用津唾旋調一豆許安瘡上以膏貼之去根自平復

通耳丹盧全寶傳

治耳聾

桑螵蛸

安息香

阿魏已上各一錢五分

硃砂五分

草麻子仁

大蒜

芭豆仁已上各七箇

右為細末入二仁與蒜同研爛為丸如棗核樣每

用一丸綿裹內耳中如覺微痛即取出親驗方

曾蒲錠子一名曾蒲散

治耳中卒痛

曾蒲

附子炮去皮臍已上各二兩

右為細末每用油調滴耳內立効

寸金錠子太醫曾成子寶方

治療痔疾

藤黃

雄黃

雌黃

硫黃

輕粉

粉霜

麝香

砒霜

黃丹已上各一錢

牡蠣粉

紅藤根

乾漆已上各五錢

右為細末研勻燒陳米飯和搗為丸如棗核大每用一丸內肛門中深二寸許放令定用新磚毬子二箇出灰火燒赤醞醋中蘸過綿裹一箇於肛門上慰之冷即換上下次之來日大便下臭敗惡物除根也

薰壽散

威靈仙 三兩

右用水一斗半煎至七八沸去火就盆上坐令氣薰之候通手淋漓冷即再暖

通靈丸

治耳聾

松脂五錢

巴豆二十四箇去皮研

右先將松脂溶開入巴豆末熬成膏丸如白豆大綿裹一丸塞耳中覺痛取出赤水為效

三神丸

治僧道痔疾因讀養生必效方見乾義傳僧覺海少年患痔疾其行業比冰霜綠此飽食久坐知痔疾者不必酒色過度矣故素問云因而飽食筋脉橫解腸辟為痔治之故不同也

枳殼炒六錢

皂角燒存性

五倍子已上各等分

右為細末鍊蜜為丸如梧桐子大每服三二十九溫水食前服着生必效方中三味皆單用一味為

方今增為一方其効如神

五芝飲子

治膈熱口舌生瘡咽喉腫痛

甘草 炙二兩

藿香葉

石膏 水飛

山梔子仁 已上各二兩

右為細末每服一錢新水調下

平和飲子 出願經中

治小兒瘡疹

人參

白朮

茯苓

甘草

升麻 已上各等分

右為細末每服一二錢水煎去粗溫細細飲之量

歲大小虛實以意詳之此藥治諸瘡疹煩渴不寧

者皆可服之惟小兒瘡疹尤佳

玄參丸 出僧居泰傳

治口瘡連年不愈者

天門冬 去心

麥門冬 去心

玄參 已上各等分

右為細末鍊蜜為丸如彈子大每服一丸嚥化

犀角散

治口舌生瘡咽喉腫痛熱毒時氣

升麻

桔梗

甘草 炙已上各二兩

牛蒡子 炒四兩

右為細末每服三錢水一盞入竹葉五七片煎至

七分去粗細熱嗽溫即嚥之其粗熱掃項腫上

防風散

治破傷瘡瘍風邪或身體疼痛風邪攻注舉急及皮膚瘙癢麻木不仁頭昏悶牙關緊欲成破傷風者

防風

藁本

羌活

地骨皮

荊芥穗

以上各五錢

右為細末每服三錢溫酒調下

烏金散

治疔瘻惡瘡

鹿射香

蟾酥

粉霜

硃砂

輕粉

銅碌

砒霜

白乾薑

草烏頭

天南星

舶上硫黃

以上各五錢

右為細末紙撚紙之或湯浸蒸餅和為錠子紙瘡口內上以膏貼之

劉守真瘡論

素問云痛痒瘡瘍癰腫疽疹瘤氣結核拂鬱甚者皆熱五臟不和九竅不通六腑不和留結為癰近於火氣微熱則痒熱甚則痛附近則灼而為瘡皆火之用也人之瘡腫因內熱外虛所生也為風濕之所乘則生瘡腫然肺主氣候於皮毛脾主肌肉氣虛則膚腠

開為風濕所乘脾氣溫而內熱即生瘡也腫者由寒熱毒氣客於經絡使血澁而不通壅結成腫風邪不作即無頭無根寒血相搏作者即有頭有根壅盛則為膿赤根腫則風氣流潰也瘡以痛痒痛則為實痒則為虛非虛為寒也正謂熱之微甚也痒則美疾也故火旺於夏而萬物蕃鮮榮美也灸之以火漬之以湯而其痒轉甚者微熱之所使也痒去者謂熱令皮膚縱緩腠理開通陽氣得泄熱散而去或夏熱皮膚痒而以冷水沃之其痒不去謂寒收斂腠理閉密陽氣鬱結不能散拂熱內作故也瘡瘍皆為火熱而反腐出膿水者猶穀肉果菜熱極則腐爛而潰為污水

也潰而腐爛者水之化也癰淺而大疽深而惡熱勝血則為癰膿也湯有頭小瘡也疹浮而小癰疹也瘡氣赤瘤丹燥熱勝氣火之色也

沒藥膏

治一切癰疽發背瘡癤傷折跌壞膿生肌止痛又貼灸瘡極妙

麒麟竭

明乳香

沒藥 已上各一分

當歸 去蘆

木鱉子 仁研

杏仁 已上各五錢

油頭髮 二兩

黃丹 六兩

右先用油一斤石器內或沙鍋內露天底鍊油令熟先下木鱉子當歸杏子頭髮慢火熬黃焦油耗

五分離火用綿濾粗不用再入鍋下黃丹以新柳
篋子十條旋換攪不住手候黑色滴在水中成珠
子硬輒得所取下火入三味研藥再攪勻磁盒內
盛放地上以盆合一宿出火毒用時或帛上或紙
上攤一日一換

必効散

治久患瘰癧不較服此藥取効如神

南鵬砂二錢五分

輕粉一錢

麝香五分

班蝥四箇去頭翅

巴豆五箇去皮心膜

白橫柳一箇

右同研極細取雞子清二箇去黃調藥勻却傾在
雞子殼內濕紙數重糊定無令透氣坐飯甌內與

飯一處蒸飯熟取藥曝乾研極細末用時相度虛
實虛人每服半錢實人每服一錢並用炒生薑酒
下五更初服藥至平明取下惡物如覺小腹內疼
痛便用蔡麻子燒灰入沒藥等分同研細用茶調
下一錢便入大腸其取下惡物如爛肉老鼠兒及
新成卵內雀兒是藥効婦人有胎不可服

烏金散

治癰癤腫硬無頭不變色者

米粉四兩

葱白一兩細切

右同炒黑色杵為細末每用看多少醋調攤紙上
貼病處一伏時換一次消為度

抵聖丸

治男子婦人頭面手足虛腫

苦苧草不以多少於火上隔紗炒過

右杵為細末棗肉為丸如小豆大每服十九煎麻子湯下食前日進三服五七日小便多腫消為效如喘嗽煎桑白皮湯下忌生冷醋滑物及鹽須另丸一等小兒與小兒服看大小加減與服煎棗肉湯下

應效散

治氣瘰疬瘡多年不較者

地骨皮不以多少於日自取只要皮陰乾

右杵為細末每用紙撚蘸紙瘡口內頻用自然生肉更用米飲調二錢無時日進三服又名托裏散

白金散

治風攻注毒遍身及手足生熱瘡疼痛有黃水出者

桂府滑石

右為細末先用虎杖甘草豌豆各等分約半兩許二碗水煎上項三味至一碗去粗微熱淋洗瘡水冷拭乾上糝滑石末令通便睡至明決愈

如聖散

治渾身瘙癢抓之成瘡及癩疹之類

蠶沙一升

右用水二斗煎至一斗瀝去粗夜卧避風處淋洗
水冷即拭乾便睡

天蛾散

治刀斧傷止血定痛生肌

晚蠶蛾不必多

右為細末每用藥貼於瘡口上用綿裹不須再動

一上便可

必效散

治蜘蛛咬著疼痛

鹽豉炒乾

右為細末每用油調塗之必效

蛤粉散

治湯火燒燙瘡

蛤礪燒赤投冷

右研如粉每用油調塗之日三次

治小兒丹瘤

木鱉子新者煮殺

右研如泥淡醋調傳之一日二五次便效

治小兒疳口瘡

天南星一箇去皮

右為末好醋調攤在紙上男左女右貼在脚心底

以帛繫定三日外取了以溫水洗盡脚下藥

治破傷風并洗頭風藥

麻黃一錢五分

蝎稍二錢五分

蜜薑

草烏頭

黑附子炮去皮

白附子

天麻

烏梢蛇好酒浸三夜去骨火上炙黃色

川芎已上各五錢

右為細末每服一錢熱酒調下日進三五服重者

三五日必効此證只宜早治但邪氣入臟則難治

治有四死證不可治一頭面青黑色二額上有汗

珠不流三眼小目瞪四身上汗出如油

烏龍丸

治遍身風瘡癢痒疥癬等疾服之消風散熱利膈

化痰唾治肺氣不和此藥推陳致新去腸垢治證

甚多要能用度

皂角肥者不以多少皮去其刺去其毒

採取濃汁去粗取石為末

黑牽牛不多少微炒

右將藥末與皂角膏和丸如梧桐子大每服三五

十丸氣虛者一二十丸食後溫水送下無病氣實

人一兩箇月頓一服取利三五行不傷正氣身體

輕健肌膚光澤永無風痰疥癬之疾

紫參丸

治熱毒濕癰腫毒未成者內消已潰者行膿止痛

散腫毒

麝香另研

膩粉已上各三錢

紫參

苦參炒已上各一兩

丹參二兩五錢

連翹二兩

滑石二兩五錢

右為末別用玄參一斤搗碎以酒三椀浸三日揉取汁去粗用皂角子三百箇煨熟為末用玄參酒熬皂角子末成膏和前藥凡如梧桐子大每服一丸以黃芪湯下一日加一丸至患人歲數即佳如四十則二十每日減一丸其瘡自乾已結者內消也服此藥大有神效

萬靈丸

治背腦疽并一切惡瘡初覺一二日

硃砂

血竭

蓮藥已上各等分

麝香少許

右為細末酒糊為丸如黃米大每服七丸温酒送下瘡在上食後在下食則不過二服即效

治眼

治昏澀退翳膜

椒四兩對升合者不用甘菊花二兩五錢

熟乾地黄二兩酒浸丸蒸九曝

右為細末鍊蜜為丸如梧桐子大每服二十九食後細嚼新折米十餘粒送下

治吹如方田仲寬方

治吹爛及一切惡瘡初覺一二日立効

生薑一兩去皮

大黃

甘草已上各五錢

菖蓐一箇去皮

右共搗作一塊以水半碗同煎至七分濾去粗入沒藥乳香末共二錢半通作一服

治痔瘡

雄黃五分細研

五靈脂去石燒過斷煙

五倍子炮過已上各一錢

沒藥二錢五分明淨者

白礬半飛半生

右為細末研令極細用紙花子貼瘡口上

洗痔

防風

當歸

川芎已上各等分

右三味剉細煎水去粗令熱溫淋洗瘡用軟帛印乾傅前藥

十金丹

二名返魂丹三名再生丸四名追命丹五名延壽丸六名來甦丸七名知命丸八名得道丸非人勿示此方若有人患瘡身未爛者與三丸服之嚙下便活如口禁但幹開牙關研下三丸灌下喉中立生此方治發背腦疽癰腫遍身附骨腫痛先覺時飲水口中煩渴發熱四肢沈重體壯熱

麝香一分

南乳香

烏金石

輕粉

雄黃

狗寶

沒藥 已上各一錢

蟾酥 二錢

粉霜

黃蠟 已上各三錢

硃砂 五錢

鯉魚膽 乾用

狗膽 已上各一箇 乾用

金頭蜈蚣 七條 金者酥炙黃色

頭首男孩兒乳 一合

右件為末除黃蠟乳汁二味熬成膏子同和丸如
菘豆大小兒丸如芥子大每服一丸病重者加三
丸白丁香七箇研爛新汲水調送下用衣服蓋之
睡勿令透風汗出為度大段疼痛如無頭瘡腫不
過三服立效服藥後喫白粥菘菜蔬蔬就服大妙

牙疳藥 此藥是京兆惠民局見行經驗方

治大人小兒

棟信

青黛

輕粉 已上各一錢

麝香 五分

右同為細末用小油調薄攤紙上用木錘錘實收
起每用臨時以漿水洗淨印乾可瘡口大小以藥
紙封之至曉去藥紙嗽淨勿令嚥下大者不過三
上必效

迴瘡蟾酥錠子

陝西醫局提舉馬雲龍親傳經驗方

治丁瘡毒氣攻心欲死以針刺其瘡向心行處但
覺痛有血處下錠子若緊刺至心側近皆不痛無
血者急針百會穴痛有血者下錠子若無血以親
人熱血代之猶活三四况瘡初發無有不效大抵

丁瘡生於四肢及背脊頭項骨節間唯背脊頭項最急初生癢痒不常中陷如下蓋撼之有根壯熱惡心是也

天南星

欵冬花

巴豆仁

黃丹

白信已上各一錢

獨活五分

班蝻去頭足十箇

右為極細末用新蟾酥和藥如黍米大撚作錠子每遇丁瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其元瘡亦覺疼痛以膏藥傳之膿出自差

用錠子法度以銀作細筒子一箇約長三寸許隨針下至瘡痛處復以細銀絲子內藥於筒內推至瘡處

乳香托裏散同前所傳

治一切瘡腫疼痛不可忍如少壯氣實者先疎利後服之大効

御米殼去隔蒂葉

當歸

芍藥

川芎已上各五錢

乳香

沒藥已上各一錢

右為麤末每服五錢水一盞半煎至七分去粗溫服病在上者食後在下者食前若未止即再服

四聖旋丁散各醫秘傳經驗方

治丁瘡生於四肢其勢微者先以好醋調藥塗上以紙封之次服內托裏之藥其丁自旋出根

巴豆仁五分

白僵蠶

輕粉

硃砂已上各二錢五分

右為細末醋調用之

天丁散扁前秘傳經驗方

治一切丁瘡及諸惡瘡初生以藥塗之急服托裏

內消

山丹花藥

香白芷

已上各二錢牛蒡根春採去皮

天丁乃皂角刺

蒼耳芽

大力子

已上各五錢

雄黃一兩

右五月五日受氣修合為細末每用好醋塗紙封之丁瘡上有黑甲者必須胡桃油浸次塗之自可萬應膏同前所傳

治一切瘡瘍初生腫焮甚者無問大小以膏可腫痕貼之前煎葱白水熱淋兩炊時良久再淋腫消為度如瘡老不能差者亦收斂聚膿膿決然早差

黃蘗

芍藥

白芷

黃芪

木鱉仁

杏仁

當歸

白芨

生地黄

官桂

玄參去皮剉碎

沒藥

乳香

已上各五錢研

白欵

黃蠟已上各一兩

黃芩

大黃已上各二兩

黃丹一斤

芝麻油二斤八兩

右件十四味入油內浸一宿絕早入沙鍋慢火熬用生柳條攪至申時以焦褐色出火去釜粗又以重綿濾過入丹再熬旋滴水中成珠子不散者出火絕煙入乳香沒藥黃蠟攪勻用瓷器收貯於土內埋七日取出攤用

治小兒面溼瘡

俗云鍊銀瘡者是母受胎之日食酸辣及邪味過度多生此瘡

百藥煎二錢

生白礬二錢

右為細末小油調旋搽之神效

治赤白口瘡

大人飢渴不時小兒失驚即生口瘡

生白礬一錢

右禽噉之從瀝頑涎立効

治乾濕疥癬

此是肺受邪毒運於四肢久而不散以生肉蠹

硫黃二兩

生白礬八錢

右為細末油調火炙紙破塗之立効

治湯火燒燙

無問新舊

青槐枝

一兩對碎

菴豆粉

一兩炒黃色

輕粉

一錢

右同為細末油調塗之止痛滅毒

治破傷風

手足顫掉不已者

硃砂

另研

南星

薑製

獨活

去皮已上各二錢

人手足指甲

燒絕煙六錢

右為細末分作三服酒調服之立效

治破傷

無問新舊

石灰

右用一味驗瘡口大小儘乾塗之不須封裹神效

治風狗咬破傷風

此病非為小可及九死一生之病可急用

好班猫

七箇去翅足

右為細末酒調服之於小便盆內見衣沫似狗形者為効如無再服七次雖無狗形亦不再發也此方累試經驗今附於此

論炮製諸藥及單方主療瘡腫法

夫藥者治病之物蓋流變在乎病主治在乎藥製用在乎人三者不可闕一也凡用一味炮炙修製及單方主療該引方書出處不必隨方標寫

硃砂

須研細水飛瀝乾若入膏中者待熬膏成稍凝冷即下急攪勿令沈聚大凡石類一一如此

雲母

即須用鍊成熟粉曾經婦人手拈者不效聖惠方治湯火瘡羊髓和膏塗之神良千金方如治金瘡及諸惡瘡依上塗傳大效

礬石 即白礬

凡用須木炭火上枯汁盡主陰蝕惡瘡去鼻中瘰
肉生含燕津治急喉閉肺後方治耳中卒腫痛或
有膿水者以筒吹一字於耳中以綿塞之立效又
治諸毒虫惡獸咬傷傳之則差千金方以醋煮湯
漬蟬螫立差王氏博濟治驢馬汁毒傷人瘡腫痛
和黃丹傳之靈苑方治傷折瘡腫以沸湯投枯礬
漬浴之御藥院方治陰汗以枯礬投沸湯中浴之

水銀

主疥癩癩傷白禿入膏令膏冷凝下之攪令勻散
如星勿令沈聚

水銀粉 即輕粉

主瘰癧殺疥癬虫酒醴風以羊髓和如膏塗及貼
瘰癧一吐可

石灰

主疥癬骨疽金瘡風化者良外臺秘要方治風疹
以漿水調熱掃之隨手差孫真人治疥淋石灰水
溫洗之千年者尤佳

白麥飯石

即產理黃石

會磨刀者佳凡用須醱醋淬之令屑落醋中者良
亦單用治發背神良本草曰大凡石類多主癰疽

花藥石

花藥石

花藥石

花藥石

主金瘡止血合硫黃木炭火炒良或只刮花藥石末効

黃芪

主癰疽久敗瘡排膿止痛兼五痔鼠瘻止渴聖惠千金外臺祕要方治發背腦疽托裏止渴用黃芪六兩甘草一兩剉細水煎溫服無時大効

葉耳即蒼耳

千金翼方丁腫用根莖葉炒灰存性為末醋泔淀和如泥塗之一日三易之三日腫消根丁自拔出亦治諸腫掃之尋差

麻黃

黃芩

凡用根節者三沸掠去沫曬乾剉

凡用去腐蘆棟細實者佳梅師方治諸丹作末水調掃之亦治湯火瘡

烏頭附子

凡用須炮裂去皮臍

半夏

凡用湯洗七次去滑

羊蹄根

主乾癬疥頭禿取根醬塗之効簡西文濟眾方治癬瘡久不差取新者絞汁和膩粉如膏塗之千金聖

愈 惠外臺等方皆治癬和醋或白礬或硫黃塗之皆

狼毒

主癰疽惡瘡鼠瘻聖惠方治癬瘡積年搔之黃汁
出痒痛以末傅之或猪膏和塗差

芭蕉根

主瘡腫搗根汁塗之良百一方治發背根汁塗之

土青木香

即馬兜鈴根

主頭風搔痒秃瘡

連翹

主寒熱鼠瘻癰疽惡瘡癩癧同甘草服食

蒲公草

主乳癰煮汁飲之自消梅師方傳之亦消

滑石

本草不言療瘡腫本體較治諸瘡久不愈消熱毒
腫及金瘡血不止湯火燒瘡用之尤良

白石英

主肺癰吐膿咳嗽及膈上風熱痰肺癯消渴陰瘻

補五臟

赤石脂

治瘡疽痔瘻瀉痢加芎末等分粥飲調服一錢重
神效寒者加乾薑服

白石脂

治癰疽排膿生肌新生兒臍濕

雄黃

主寒熱鼠瘻惡瘡疽痔死肌疥癬

硫黃

主女人陰蝕疽痔惡瘡疥癬殺虫

雌黃

主惡疥頭禿下部惡瘡殺虫

磁石

消癰腫主鼠瘻頸核喉痛

蜜陀僧

主金瘡止血口瘡疔瘻面上癩點

伏龍肝

糝主惡瘡水調掃丹腫酒調封發背令肉消

礞石

主寒熱鼠瘻惡瘡蝕死肌

薑石

搗末雞子清調敷丁腫丹留乳癰

分鹿理黃石堪作磁礞者即磨刀鹿石

齊馬嗣明治楊遵彥發背取此石猛火煅赤投醋中因有屑者最為末醋熬如糊厚塗立愈大凡

石頭多主癰疽

爐甘石

主愈瘡止血治目赤瘡

燈心

主破傷血出每用貼破上封之立差

槐根皮

主痔及白皮煎湯薰浴良入荆芥尤妙

地骨皮

主疔瘡經年以鹿皮煎湯洗之細沫白穰別碾糝

之即差

黃蘗

主瘡腫神良每用去麋皮塗蜜炙剉諸方用作湯

清陰瘡良搗末蜜水調敷腫

枳殼

凡用須麩炒去穰剉枳實亦同

厚朴

凡周須去麋皮生薑塗製炙微焦剉

皂角

凡用須不艸者去黑皮弦子酥炙黃色剉

木鱉子

凡用去殼主惡瘡毒腫孫用和方治痔用仁三五枚研如泥以沸湯浸用汗先薰但通手即浴洗日三度

楸樹白皮

單用熬膏貼癰疽惡瘡疔瘻痔疾用其白馬牙燒灰治發背初生用糝瘡頭上以膏封之

兔頭

連皮骨臘月細剉瓶中封之百日塗發腦疽發背

惡瘡出百方

兔腹下白毛

治湯火瘡已破者先用膠水掃之後用兔白毛貼之毛落平復勝金方治痔用坑月砂即兔糞也和乳香末酒調三錢溫服日三服即差

蜜

凡鍊須煎令沸掠去沫外臺治陰頭生瘡以蜜煎甘草末塗之神效肘後方單用塗湯火瘡

牡礪

凡用木炭灰炒通赤濕地上放經宿方用經驗方治瘰癧用牡礪四兩玄參三兩為末糊丸如梧桐子大酒服三五丸食後服藥盡患亦除根集驗方治一切癰腫水調牡礪粉掃之乾即再掃即消名拔毒散初虞世治療癰疽用和甘草末茶調三錢服之神效大驗

蛇退皮

諸方用治丁雜惡瘡十年不較者全用炒存性猪

膏和塗之其驗神效

蜘蛛

聖惠治瘰癧不問新舊或成瘻者熬乾為末酥和如糊貼之日三度大效千金治發背瘡亦治鼠瘻神良譚氏治贅瘡瘻自以網絲作線際根繫之一宿自落

蜈蚣

聖惠治一切惡瘡端午日收乾為末者油調傳之神效子母祕錄治忽得惡瘡未辨識者取新者絞汁傳其上大效古今諸方治丁瘡欲死者取蜈蚣心腹下度取之稍白者是以針刺丁瘡當心及四

畔以心塗貼之百苦立已經宿其丁自拔出大忌食羊肉多不效

陳橘皮

凡用溫水浸去白青橘皮亦然

枇杷葉

主嘔逆下氣凡用去毛刺甘草湯洗三葉重一兩者佳

桃杏仁

凡用須湯浸去皮尖雙仁炒剉或研

無心草

凡用去蘆苗煎洗甲瘰疽神效

防風

凡用去又蘆

藜蘆

凡用去苗

犀角

凡用生不曾見火者即鑄錯為末

茯苓

凡用去麤皮白者佳

芍藥

亦用白者佳

牽牛子

凡用黑成熟者微炒假如一斤取頭末四兩

外科精義卷下終

上海醫學

國



